

開金口與林峯跳唱《今期流行》

古仔破都市傳說

《尋秦記》元日上映

古天樂(古仔)與林峯合演的無綫經典劇《尋秦記》2001年首播，2019年開拍電影版，但一直未有映期，成為「都市傳說」！前晚林峯在紅館舉行最後一場演唱會，邀得古仔任嘉賓，兩人合唱劇集主題曲《天命最高》掀起全場回憶殺，古仔更宣布《尋秦記》電影版將於元旦上映！

林峯在紅館舉行一連七場演唱會，前晚最後一場，太太張馨月偕寶貝女Luna捧場，好友黃浩然和太太、陳山聰一家三口、陳浩民夫婦、胡杏兒和老公李乘德等亦有到場睇騷，今次是李乘德被爆夜店攬女後首次夫妻公開同框。當Luna看到父親林峯在離地近20米的吊臂升降機上登場，興奮得站起身狂跳及揮動熒光棒。

古仔扮未來戰士出場

全晚高潮位是古仔以表演嘉賓驚喜亮相，他以全黑未來戰士造型單膝跪下從升降台登場，與林峯合唱《尋秦記》主題曲《天命最高》及《今期流行》。當兩人跳《今期流行》的招牌舞姿，全場即陷入瘋狂狀態。

唱完後，古仔化身項少龍向林峯下跪，並說：「我嚟遲咗，因為我坐時光機去錯2015年，但點解你變到依家咁嘅樣？」林峯說：「我剃咗鬚，要融入呢個社會呀！」古仔問林峯為何變了髮



■古天樂落台跟觀眾握手。

色？林峯表示：「冇辦法，要潮吓嘛！我依家都唔叫『贏政』，改咗名叫林峯。」古仔笑言：「好彩唔係叫『淋病』。」林峯表示很多人都問他一個都市傳說，就是項少龍何時在大銀幕現身？古仔說：「我返嚟喇！傳說應該喺元旦解破。」林峯即呼籲大家屆時要入戲院支持電影版《尋秦記》。

完騷後，林峯、古仔和周秀娜一齊祝酒慶功，宣布9月啟動世界巡唱，預計持續至12月，因1月要拍新戲。提到不少網民希望徐子珊任嘉賓，林峯笑指對方是「失蹤人口」，很久沒聯絡。對於「城寨兄弟」伍允龍日前偕女友李蔓瑩捧場，林峯坦言早知對方拍拖：「不過我都係個晚第一次見佢女友，好戥佢開心。」



■林峯妻女壓軸捧場。



■林峯(左)與古天樂跳唱《今期流行》，全場為之瘋狂。



■古仔單膝下跪，扮未來戰士出場。

鍾嘉欣「大眾臉」否認似伍允龍新歡

鍾嘉欣昨日出席銀行新廣告首播會，提到舊愛伍允龍宣布與李蔓瑩拍拖，嘉欣表示從經理人口中得知此事，向伍允龍送上祝福。有指李蔓瑩與她似樣，嘉欣笑言：「唔會啦！不過好多人都話似我，每年選港姐都會有佳麗似我，鍾柔美又似我，所以我唔敢亂下評論，畀佢哋多啲自由空間。」

提到日前她擔任林峯演唱會嘉賓，勾起不少人的集體回憶，嘉欣說：「好開心，因為我要趕返去湊仔，冇時間約食飯。人大咗更珍惜友誼，見到大家健健康康已經好感恩。」她坦言希望有機會再與林峯合作：「或者開拍『皺皮版』電影《常在心》。」她又稱很渴望在紅館開騷，問到老公會否支持？嘉欣笑言：「我做咩佢都會支持，因為佢明白Happy Wife Happy Life嘅道理。」

■鍾嘉欣期望有日在紅館開騷。



吳若希預告開騷行Cat Walk

「吳若希《Gossip of Me》演唱會」澳門站將於本周六舉行，吳若希閉關練歌，期待演出時令所有觀眾感受和欣賞她與團隊的用心。她說：「我之後會去睇中醫，針一針灸自己嘅喉嚨，等自己把聲可以去到最好狀態。」她又稱會提早到澳門視察場地：「想知我企喺台上面同觀眾嘅距離有幾近，同埋我好想試吓行個個Cat Walk台，因為我花咗好多心機行Cat Walk，希望行出嚟有『女神風』，唔知到時台前會唔會準備風扇，吹住我等我有女神嘅髮型呢？」



■吳若希落力練排。